



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

Quod bonitas & perfectio donum dei sit. ca. 10.

**urn:nbn:de:hbz:466:1-35578**

sta, quæcunque sc̄tā, quæcunque amabilia, quæcunque  
bonæ famæ, si qua virtus, si qua laus disciplinæ, hæc  
cogitare. Talia enim cogitādo proficimus, & impletur Psal. 83  
in nobis quod in psalmo dicitur: Ibunt de virtute in  
virtutem, & videbitur deus deorum in Sion. Hæc sunt  
enim mansiones populi dei, per quas ad terram promis-  
sionis itur, & gradus per quos psallendo dei templū in-  
gredimur, & scala Iacob, per quam de terra sublati as-  
cendimus in cælū, ut iam manifesto inuisibilis dei frua Phil. 3.  
m̄ur cōspectu, & plene ȳeque beati simus. Ideo & Ap̄ls  
q̄ retro sunt obliuiscēs, ad ea ȳo q̄ sunt priora extēdēs  
seipm, ad destinatum p̄sequit̄ brauium supnæ vocatio-  
nis dei in Christo Iesu. Talis est omnis iustus, de quo Psal. 91  
Prou. 12.  
Psalista ait, iustus ut palma florebit, sicut cedrus Li-  
bani multiplicabitur, quod & Salomon testatur, dicens  
Radix iustorum proficiet.

Quod bonitas & perfectio donū  
dei sit. Cap. X.

Mar. 19.  
Johan. 6.  
Mar. 10.  
**E**nīm proficiendo ad bonitatis iustitiae que cul-  
men peruenient iusti, ut de mundo exēutes Chri-  
stum sequantur, & perfectionis iter ingredi inci-  
piant. Si vis (inquit) esse perfectus, vende omnia quæ  
habes, & da paupibus, & sequere me. Perfectiis est igi-  
tur, contemptis diuitiis Christi imitari paupertatem,  
spretaque inanis gloriæ ambitione, humilitate se deit  
cere, quia & ipse cum eum regem vellent facere, recusa-  
uit, dicens: Non est regnum meum de hoc mundo, &  
Non veni (inquit) ministrari, sed ministrare. &, cum do-  
minus esset, seruum se fecit. Præterea semetipsum abne-  
gare, & aliorum subdi imperio, consummatæ virtutis  
est: quia & ipse obediens fuit patrī usque ad mortē cru-  
cis. Ad hæc non solum amicos, sed etiam inimicos dili-  
gere, quia & ipse pro illis, a quibus tormenta patitur, orauit.  
Repudiatis etiam nuptiarum copulationib-  
us perpetuam seruare castitatem, quoniam & ipse ca-  
stus fuit, de casta matre genitus, de casto seruo bapti-  
zatus. Postremo pro amore dei nullum laborem recu-

S 3

Sapi. 9.

sare, nulla refugere perticula, nullo supplicij necisquam  
genere terreti, omnia prius aduersa perpeti malle quam  
dei mandatum praeuaricari, hoc erit calicem bibere pro  
Christo, quem prior pro nobis babit Christus. Qui tamē  
hoc fecerit, nequaquam in eo quod pro Christo susti-  
net, se gratiam retulisse putet, sed beneficij plus accepisse. Idem enim ille qui pro nobis pari voluit, ut nos pro  
sui nominis gloria sustinere possumus præstat. Facimus  
quidem satis cum obedimus, nulla tamen apud illū im-  
perandi est causa, nisi ut remuneret obedientes. Neque  
enim nostro obsequio indiget deus, sed nos ipsius indi-  
gemus iussione; ut cum hoc quod iussum est impleueri-  
mus, accipere illud quod promissum est, mereamur, ta-  
metsi hoc quoque, ut iussa perficere valeamus, eius mu-  
neris sit, cuius benignitatis est perficientibus promissa  
tribuere. Quicquid igitur a nobis exigit dominus, ni-  
hil ex eo ipsi accedit cum præstatur, sed nobis duntaxat  
prodest, qui pro modico bono quod præstamus, bonū  
illud quod omnem superat taxationem, ab ipso recipi-  
mus. Quanto igitur benignior atque indulgentior do-  
minus, tanto nos ei promptius perfectiusq; seruiamus  
quanquam penitus perfecti esse non possumus, donec  
corporis huius onere premimur. Vnde dictum est, Cor-  
pus quod corruptitur, aggrauat animam, & terrena in-  
habitatio deprimit sensum multa cogitantem. Et caro  
pugnat aduersus spiritum, & spiritus aduersus carnem  
haec sibi inuicem aduersantur, ut non ea quæ volumus  
faciamus. Itaq; in hac vita sicut proficere,  
ita & deficere, contingit, & quemadmodum peccato-  
res per pœnitentiam sanctificantur, ita sancti per fragi-  
litatem peccant atq; delinquent. Sanctorum tamen siue  
iustorum nomeu non amittunt illi, qui dum se peccasse  
dolent, cito corrigitur. Peccauit Moyses, peccauit Aa-  
ron, peccauit David, peccauit Petrus, peccauerunt o-  
mnes reliqui discipuli, cum tempore dominice mortis  
a fide defecissent. Solus tamen de sanctorum numero  
excidit infelix Iudas; q; licet de scelere doleret, de ve-  
nia tamen desperauit. Cum igitur nemo tam perfectus

## De charitate Liber IIII.

289.

Sit, quem non aliquando labi conringat, nemo in praesenti potest esse perfectus, nisi pro conditione fragilitatis humanae, secundum quam dictum est: Estote perfecti sicut & pater vester caelestis perfectus est, non dixit, quantum ille perfectus est, quod impossibile quidem erat, sed sicut ille, ut pro viribus emitur ei similes esse in omni honestate & iustitia & virtute, qui ad similitudinem & imaginem suam nos creauit. Tunc autem plene perfecti & consummati erimus, cum ablata omni mortalitatis molestia in ipso viuere incipiemus. Nunc enim videmus in enigma per speculum, tunc autem facie ad faciem, & sicut est eum videbimus: quae sola visio efficit nos beatos, atque omni virtute repletos, & iam neque culpae neque tentationi obnoxios, quibus misericordia interim carere omnino non possumus. Danda tamen est opera, immo omni labore conandum, ne quando in illa peccata quae ad mortem ducunt, incidamus. Quod si etiam minima quaeque (quantum in nobis est) vitare studierimus, vel nullus vel rarus admodum ad grauia & quae mortem afferant, lapsus nobis evenerit.

Mat. 5.

## De moderatione virtutum. Cap. XI.

Provo in exercendis colendisque virtutibus ita nos gerere oportet, ut neque ad dexteram neque ad sinistram declinemus: quoniam extrema vitiosa sunt, in medio autem est virtus. Ponam, inquit, dominus, in pondere iudicium, & iustitiam in mensura. Tu qui te ita institutum compositumque senseris, caue ne qua inanis gloria appetitio animum tuum attollat, & quod humilitate congestum est, arrogantia dissipet. Ad exemplum aliorum virtus tua sit exposita semper, non ad iactantiam neque ostentationem, ut tua iustitia (sicut praecepit dominus) in occulto sit conscientiae tuae, & tamen ad laudem largitori virtutum deo praestandam, qui te viderint, concitentur. Prouidemus enim bona (ut Apostolus ait) non solum coram deo, sed etiam coram omnibus hominibus, ut videlicet ex cōversatione nostra deum laudent, se corrigerent, & una nobiscum saluerent.

Isa. 28, 11

Rom. 12

§ 4